



बाथां में भूगोळ

हरीश भादानी

धरती प्रकाशन

© हरीश भादानी

प्रकाशक : धरती प्रकाशन, भगसाहर, बीकानेर (राजस्थान) / मुद्रक : एस.  
एन. प्रिंटर्स, नवीन शाहदरा, दिल्ली-110032 / आवरण : सन्तु /  
संस्करण . पैलो, 1984 / मोग . पच्चीस रुपिया मात्र ।

---

BATHAN MEN BHOOGOL (POEMS) : HARISH BHADANI Price : 25/-

टीप

## रैत रै समंदर रौ पांणी

खाथी चाल रे : 9 / समंदर घू : समदर हू 11 / नित्त-नेम : 14 /  
चोषो जारज : 16 / म्हारी हेमाणी जूण : 21 /  
तिरवाळा तावडै रा : 23 / ओतार जाम्या : 25

## हूणियै रा होरठा

33-42

## बोलै सरणाटौ

बोलै सरणाटौ : 45 / धारै लावा जोडू हाथ : 47 /  
हेंलो पाड़ रे : 49 / आघर बोल : आघर बाच : 51 /  
चाल रे चाल : 53 / करसा बोल : मजूरा बोल : 55

## दे हूंकारो हूणिया

59-88



...कीड़ी नगरं रं  
फाटी है  
अतरी लावी जाइ  
दीमै बत्तीमू दात  
गंगा रं पाट-मो हबोळा खाती  
बाको बोलं बोलं... ..

रेत रं समंदर रौ पांणी



## खाथी चाल रे

खाथी चाल रे कमतरिया

देखलै सीव  
पाछो घिरग्यो है  
रंभावती रेवड़  
उठतै रेतड़ सू  
कवळाइजै उजास  
सुवी सिइया  
मुहागण नीं चढे कुवं  
भरियाई व्हेला  
घड़िया टीपाटीप  
बंठगी व्हेला  
हाडी कठौती मांड  
चाल...कमज्या रा धणी चाल  
खाथी-खाथी चाल

ऊभगी व्हेला  
थरकण थाम मघली  
अंवळाई में  
दीसै कठैई छियां...ती  
हाका पाड़ती भाजै सामे पगां  
टेरां माथै टेर  
भरताई व्हेला  
तेजी हरियो मूवटी



जाणं उगेरी आरती  
 देख...वा देख  
 सरणाटे री छाटी  
 झाडती उतरै  
 भीता मारुं रात  
 राखेला आळा-आरा  
 भर दंली थाळी हथाळी  
 देवली कवा  
 जड दंली सगळा दूधाळा दात  
 खाथी चाल  
 दीवें रा देवता  
 होताई चुडले रै हाथा जोत  
 संचन्नण होसी  
 चूली-आगणी  
 चाल.....  
 आखं घर री  
 उडीका रा एकल चित्राम  
 खाथी-खाथी चाल  
 खाथी चाल रे कमतरिया !

## समंदर थूं : समंदर हूं

थू.....

मच चढियोडी  
साव उघाड़ी नागो  
दूर दिसावां ताई  
सूती दीसं...

नेडी तो आंटीजयी आर्व  
पड़े पछाड़ां खा-खा  
लूरलं मखमलिया माटी  
झागूटा थूक जावं

वोलो नीं रेवं एक पळ  
घंघावती रेवं  
सुणं है कुण  
उछांचळी छोळां-सा  
थारा बोल

थू.....

हंसती-हंसती  
जवड़ा पसार  
गिट जावं जाज  
जूण री खातर  
धारो पताळ छाणती  
नांवां, मछेरा  
डकार नीं लेवं  
उडीकां सुपनां रा

जगता दीवा बुझावं थू

थू.....

कोई नी जाणं

कर्ण भुआळी खाय

रमझोळती वाडपा खिडावं

घरकोला ढावं

मार झपट्टा

तोड लं मगळसूत

थू.....

लागं तो निरमळ नीर

चाखता

धू-धू खारो

नाव तो समदर

अतस तक खारो

सभाव नागो !

अर हूँ.....

ऊपर सू हुळक केसरिया

म्हारें हियै

पताळ.....

अमरत पाणी सू

तिरिया-मिरिया

वारे री बाट जोवं.....

हूँ.....

नूता देवू, उतारू

खानी वारा

हूँ भरीजू

गावती-गांवती चढू

घरमजला घरकूचा

आंवती दीसू

“आयी...आयी...

वठं वो खीली खीलं

अठीनें

हैं खळकीजू कूडघां-देगा  
मैदी सू राच्या  
चुडलें सूं भरिया हाथ बाज  
लडावें म्हनें  
गावें 'पिणहारो'

थू.....

पाणी रो समंदर

हैं.....

रेत रे समंदर रो पाणी

हैं.....

म्हारी बाडघां रो रमझोळ

आंख रो मोती

हियें रो हेत

बाथां रो बळ

चरे रो मांण

खेत रो सोनो

हैं.....

म्हारें आखें वास रो

जूण रो वेली

दुखती रगा

मुख्यां सू फाटती हेजड

धूमर...डाडिया...रम्मत

अर थू.....

कतरा गुण-मोत थारा

बोल नो

घंघावना घमंडीराम बोल

अणथाये

पताळ रा धणी बोल...

समंदर थू...

क' समंदर हें !

## नित-नेम

थारो-म्हारो नित-नेम  
आ, भळें वाथेडा करां !

खायली आंधी  
पीयली लूआ  
पूछलें मूढें लाग्योडी झूठ  
रगड ह्याळ्यां  
शाडलें नंरें चेटोज्या  
काळा-पीळा लेवडा  
थारो-म्हारा नित-नेम  
आ भळें वाथेडा करां !

वीज्योडी वाजरी  
मतीरा, मोठां नें  
लांपो देग्यो काळ  
आ, लूरलां  
जाळ क' खेजडी रो डील  
छाल नें कूट पोयलां टिक्कड  
सिजोयला सिणियो  
वांधा, वंधं जियाई वाघा पेट रें पाटी  
थारो-म्हारो नित-नेम  
आ, भळें वाथेडा करा !

आव चालां  
राज रें सिरे-थान

वर्ण तमोऽत्र मेड्यां  
अकासी माळिया वर्ण  
आंपा अडाण वर्णा  
माथै ईटां चूर्ण रो भारी  
नीचै चीथीजी जूण ढोवा  
धारो-म्हारो नित-नेम  
आ, भळै बायेडा करां !

थारै-म्हारै  
दुखां सू दूवळा दाता  
पगोथिया सांटता चढं रांस  
रास सू वाचै

थारै-म्हारै खातर  
बिधि-बिधान  
नांख  
यातां रै ठंडे भोभर माथै  
नाखदै धोवा-धोवा धूड  
धारो-म्हारो नित-नेम  
आ, भळै बायेडा करां !

## चौथी जारज

पूरब री पिरोळ  
खुलता-खुलतां  
उड़गी चिड़कोली आंख्यां.....

राख्योडी सीध  
कसी, कुवाड़ा साभ  
हुयग्यी बयीर  
घरती रो धणी.....  
.....

टुरगी लारै  
काकी, भोजाई  
डांग रै सायरै बाबो.....

नी दीसै पाळ  
खिडियोडी बाड़  
खेत आया.....  
कै' आया उजाड़.....

देखै एक नै दूजी  
निजरा रै  
सूनै क्षरोखा में आगोतर  
आगोतर...ओ...आगोतर

कसमसतै छोटियै  
तरणाटी खा'र

कसिया कोछा  
एकै सागै  
सगळ्यां रै डीलां  
तिरछ तड़कीजी  
हथाल्छयां सधगी  
खोसण लाग्या  
मठोठी दे'र वूझा,

साव उघाड़ा खेलूणा  
पगल्या-पगल्या  
रमता-रमता  
चुग-चुग फेकग्या  
बंरी भाठा-डग्गड़  
थप-थप दैमनै  
बिछाई गाभण माटी

हँई-हँई  
हँईसा वज्जर भीवै  
पाड़दी पाळ चाहमैर  
दांतळ सूं भांज  
सूकी सणाट झाड़घां  
खूट सूं खूट  
त्रिणदी वाड़—  
टीडी फाकै नै  
अब कै.....  
फाकाई करणा पड़सी  
ऊभी गुमेज

टग-टगता हांफीज्या  
सूरज रा सातू घोड़ा  
मूडै रा झाग झरग्या  
डोलां रै माथै  
बूझातै सूरज दीवो साख  
हायां-यागां



आंख्या नै जोत  
भळें रचायो खेत  
घरती रै धणी

आंख्या मे हिलकै हेज नै  
निजर नी लागै  
फाडें तावडें री  
झळमळतें घूवटें री ओट दिया  
ढाक खारटियो  
आई छोटोडी  
दीवी टिचकारी

जाळ री छिया  
वजवजते चुडलें  
थाळी विछा'र पुरसी  
जतना री रोटचां-राव  
तिरिया-मिरिया  
छाछ रो कुलडियो  
पेट रै पाण लागी  
भीजी रसीजी तिस

बंठग्या सगळा  
पगत जोड  
हुयग्या उडीक  
अवकं.....  
अबकं वंगी मांडंली  
काळी कऱायण आभौ

बावो विछाण लाग्यो  
धोळें दिन  
सुपना री लाबी-चौडी चानणी  
काले बोलंली  
मिंदर रै पीपळ सुगनडी

अबकं.....

अरडा'र पड़ला आभौ  
"धाया-धाया वापजी"  
धोकेला आखी गांव  
फाटला खेता में  
हरियो टाच सोनो

सांसां री लीकां पाड़ी  
पाडता गया  
गिणताई रैया  
छाट री घड़ी

गाजणी-भरड़ाणी किसौ  
चं'रं री छांव तक  
नी छीपण दीवी  
उडीकतां-उडीकतां  
आप्यां रं आगं  
आपा तिरवाळा

नीं आई  
आणीई नी थो वीनं  
आई...सागण वा ही  
धाड़ंतण आई  
पैरघौड़ी  
काळा-पीळा धावळा

भेज्या आगूच  
एक रं लारं एक  
आंधळघोटा भतूळिया  
बंयग्या  
भूंआळी छा-या.....

चडियोडो पूठ आई  
हूंआटा-अंग्राटा करती

आपरा गाभा फैंक

गाव रा टापरा  
छप्पर पॅर नाची

ओरा, वरसाळी  
पाधरा करती  
रडकी बियाई  
रळकीज रळकी

सूतगी

आंढ्यां काळजौ  
खेता री आंता  
दाडगी कूआ  
छाटो तक नी रूयो  
आसूडां रो..... ..

माटी रो कूख मे  
सोनळिया भळकी दीसताई  
मच चढगी धाडैतण  
हेमांणी माटी सू  
खूजा गोयळिया भरिया  
फेरियो झाडू  
करियो पणीढो ऊधो  
धोवां-धोवा  
नांखदी चूर्लें में राख

जांवती-जांवती सूपगी  
चोकलिये बंठी  
झुरती माऊ नें  
आपरो चौयो जारज

## म्हारी हेमांणी जूण

हूं...कई  
कोरो डूंगर  
झाल्योडो खभो  
खेजड़ी...जाळ...कै' आक  
कै तळचैठी ज्यी सिणियो  
तूबे री वेज.....?

म्हारो उघाडो  
पळपळतो हेमांणी काळजो देखताई  
सूरज री लाडंसर किरन्यां  
उतरं करे रमझोळ  
दूर सूं देखै काच  
कैयता जावै...  
वो रंघी पांणी री छळावी.....

पांणी कठै है अठ  
चौखूंट पड़ियो है  
सूकी सून्याड  
वरमां-वरसां  
वादळ री लीरी तक री नी पासंग.....

साचो काचां री देखी-कैयी  
पण दीठ नं दीसं

सूकै सरणाट में  
जागती वैठी  
तावडियो साच  
कं' वादळ रै वसू नी रंयी  
म्हारी जूण  
देखती आयी है सूरज वाप  
म्हारा, हा म्हारा कमतर

घर मजला, घर कूचां  
दिनूर्ग-सिद्ध्या  
जा पूगै पाताळ  
भरलं वारे मे  
खळ-खळ नाखदं देगां में

आडा आयोडा  
काच उतारं दीठ  
म्हारं पणोढं  
कांसी रो थाळी  
म्हारी आख्या मे झाकं ती दीसं  
नीलम आभौ  
आभं पसरचौड़ी हरियल बेलां  
बेला में पाणी  
पाणी सू तिरिया-मिरिया  
म्हारी हेमांणी जूण

## तिरवाळा तावडें रा

धम-धम वाजी  
सईकां वाजो, वाजें अजू हो  
पण नी फाटची म्हारो काळजो-

पुतियो पोतीजें  
काळ री कळमस चेरें  
आख्या में पीळियो ऊधीजें आए साल

रेत री पाख्यां बँठ देख्या  
अठी-उठी रा खूट  
सं'रा रा सं'र नाप्या,  
पूछ्यो चलवां-चैजारां रो  
गादी ओपता संणा नें  
म्हारी जूण मू आंध्यां  
कद ताई करेला खेला  
आगळी सू लीकी जकी  
नेर री मरोड  
कद हुवेंला ऊभी पाळ  
म्हारा आगोतर गिटते  
बिना दांतां रें वांवी सरीचे  
वाकें आगें कद लागेला डाटी

घडकां री दीठ में  
द्रीस्यो रातींदी

म्हे ही लपेटी  
चूलें री राख री पाटी  
पूरवलां धोता-धोता पडगी चांदघा मारथं

दीनी समदरियै पूठ  
वी दिन सू  
पछवाडै पडिपी कळपीजू  
पूरव-सा सोंवता घणिया  
की तो बोलो ।  
कतरा सर्दका आता रैसी  
म्हारी आख्या में  
तिरवाळा तावडै रा ?

## औतार जाम्या

जद जाम्या औतार जाम्या  
मखमलिया डूंगरां  
घोळां फाडा-सा  
भाठाआळी धरती  
रज्जी नी नगी  
वांरी पगथळ्यां रै  
आंख्यां में फूस नी रडक्यो  
कवै में कोकरू आणी कसौक

सिर धोक्या  
पूरवला धोया ऊमर ओसीजी  
आगोतर घडिया  
चरणां रै धोवण सूं  
आला-गीला  
चढियोडी तुलछी-मिसरी रै  
छत्तीसां भोगां सूं  
उफणती आफरो

सिरीमुख री वाण्यां मुण-मुण  
जूणां पर जूणां जीया  
कांधां रै तमोळै ऊभी  
आंगळी बताई सीध  
जुग चाल्या  
किलविलता चालताई रैया  
घर मजलां नै घर कूचां नै घर मजलां...



सूठ रा गाठिया भाग्या बिना  
 अजवाण री  
 फाबया गिटिया बिना  
 गोरी गाय री  
 चूटियो चाटचा बिना  
 जतरो नाखीज्यौ  
 मानीज्यौ कीडी नगरो  
 घूड रै झाल्लोडी  
 आभै पटवयो व्हेला

म्है नी जाणू  
 कुण ही वा वेमाता  
 जी पर धणी  
 धणियाप तो घणाई रैया  
 पण पूरा सू  
 परोटणआळै आदमी नै  
 जद-जद हेला पाडचा  
 देवळचां  
 होंता गया औतार  
 दुखता काना मे सीच खेता तेल  
 मांडणा मडचौडी  
 छाता मे फसा'र दीदा  
 गैर-गभीर होता  
 डबडवता देख्या करता  
 खायां ई खायांआळै  
 कीडीलोक रा चितराम  
 अमूजता उफत्योडा  
 वरदान रा  
 उठियोडा हाथ जडता  
 काच रा किवाड नै जाळचां-भरोखा  
 हू ९९ जिलम्यो आखडियो  
 मरता आखडतो

आखड़तां-आखड़तां  
भणियो-गुणियो  
अदकं तो वोलतोई  
चामड़ी-जर फाड़ पड़ियो  
पड़ताई चालण लाग्यो  
हूं सुकदेव...

कै मौसम री मार सूं  
गरभ ठेरै कै कूख फाटै  
भळं औतार जामै

चालतां-चालतां  
जुगां रा कांधा घसीज्या  
डागळा-तमोळा  
थोड़ा नीचा पड़भ्या  
पगां नै  
पगोथिया वणा'र  
छाती ताई आ चढियो कीड़ी नगरो

औतारां री सांसां अमूजी  
घड़को उपड़ियो जद-जद  
खावणी पड़ी  
पाकी उमर में  
सठवा सूठ  
तवै तळनी पड़ी अजवाण  
लोटडपां ऊंधावड़ी पड़ी चूटियै री  
थाळचां फूटी  
थोथ रा ठांव नै  
गळा पीटीज्या  
भळं जाम्यो मायड़ औतार

पण किणी नों देख्यो  
म्हारी जामण री  
जापो-स्वाद

भूंगडा-फाकां सू करती मासवो  
मूढे रं मायै चिणती  
खोखरे दातां रो भीत  
अकूरड़ी रं आसरं पसरती  
म्हारी जागण

सम्हळाया टाट छीतरा फरोळ  
गोडा धसीट  
ऊभता-ऊभता  
तडग हुयग्यी  
छवीली घाटी रं  
धूडी-मोडें  
पेट री तात्या मे  
गुलगाठचा घालती  
सुकदेव बोलू सुणज्यो  
सुणज्यी धरमां रं  
धोरां मू जाभ्यां  
ओतारा सुणज्यो  
कळजुग री कळा लगा'र  
चालण लाग्यो है कीडी नगरो  
म्हारे माय म्हारे वारें  
पूरव-पच्छिम  
दिखणादे-उत्तर चारू मेर  
कीडी नगरें रा  
लाग्योडा थागो-थाग  
थारें काना री ठेठचां काढण  
उठग्या हाथा नं  
ले'र हाका  
सुणज्यो' की थमता सुणज्यो  
जुग रं मायै रा मोडें  
रेवता आया  
ठाणा-ठिकाणां

देवळघां-भोपां सुणज्यौ  
रेलां-पुळां सूं  
वेसी सांतरो  
संतीरा हुयम्यौ  
कीडी नगरो वोलं...वोलं...

थांरो छोडचौडी झूठ—  
तुलछी-मिसरी सू  
भभका मार नी चालैला अवै  
ओझरघां रां इंजण  
हथाळी  
हुयगी है हथ्याळ  
नी पसरंला  
नी हुवैला अवै आला-गीला  
सूखी-वणाट  
ठाठघा रा ठट्ठ  
थारै चरणामत सू  
नी वणाण देला  
काघां रै मारुं मेडचां-माळिया

वोलतो-वोलतो चालै  
"म्हारै परवार नीं वणैला अवै  
कैरोई इतियास  
चेतो थापरग्यो म्हनै  
कीकर तोड़ीजं  
काच रा किवाड़ नै जाळघां-झरोखा  
हाफै थरपीज्या धणियां  
आंण्यां उघाड़ देघो  
कीडी नगरै रै  
फाटी है  
अनरी नांवी जाड  
दीमै वत्तीमृ दात  
गंगा रै पाट मी

हवोळा चातो  
बाको बोले...बोले.....

मानखे रे नांव रो  
लिखायो पट्टो  
खोलणोई पडसी  
पोध्या-तिजूरघा में  
राख्या इधकार  
म्हार हाथा मे सोपणाई पडसी  
म्हे भरियो है  
बाथा मे भूगोळ  
म्हारी कमज्या रे माथे  
म्हारी...हां म्हारी  
घणियाय रंसी

पूठ रो घोडी चडिया  
वीन राजा  
माटी रे माथे  
फूठरा-फरा पगल्या  
माडणाई पडसी  
जद जिणसी  
माणसिया जिणसी मायड रो कूख  
देवळ्या सऊकार  
ठकराई रा होकडा  
नी चढेला अवं चैरां रे माथे  
मिनखां रे परवार में  
सगळां रो हाती-पांती  
बरोबर रंसी  
मिनखा रे नांव सू  
बाजेली धरती  
नै देस नै आखी दुनिया

\*\*\*सीलां मडसी काळजं  
खुभसो वूठा बैण  
राख्या एक उडीक  
जीतो जाजै हूणिया\*\*\*

हूणियै रा होरठा



सूकै अकरै तावड़ै

हाड मांम रा बोल  
रगड़चां सांसो सांस  
जगै हगड़ता हूणिया

आखर तो खीरां जिसा  
चुगतां लागै डाभ  
आला लीला वाळ  
जगरी तापै हूणिया

आखर रो सत ऊजळो  
आखर रूप अकूत  
आखर-चेतौ एक  
हिरदै धारै हूणिया

आखर जुड़ बोली बणै  
बोली उपजै हेत  
हेत जूण रो सार  
होठां राखै हूणिया

हेत हियै में ऊपजै  
हुवै रगत-सो लाल  
उगटे हुवै हजार  
रातौ एक न हूणिया

भूं नी जाणै हेत री  
वारखड़ी रो अर्थ  
आखर लिखै अणूत  
अबखी लागै हूणिया



थे नीं देखी मावडी  
थे नीं देख्यो बाप  
हेलाहेल मचा'र  
धूक विलोवै हूणिया

हर तक गिटलै हेत री  
जीमै मसळ पिछाण  
लेवै नही डकार  
कासारोणी हूणिया

दिन में तो चैरा गुमै  
हर गुमग्या अंधार  
सं'र है क सून्याड  
धू कई जोवै हूणिया

हेत हवोळा खांवती  
लैरघां लता बोल  
कागां भर-भर चींच  
झील निवैडी हूणिया

जारै हाथा माडिया  
सास रग्या चितराम  
उगटघां उगटघा ले'र  
चढथा हाट जा हूणिया

आख्यां खातर माडिया  
आख्या सू चितराम  
एकलखोरी वाण  
राख लीपयो हूणिया

घण-खण करतै तेल सूं  
चलै गिस्त री रेल  
छोडा आखर ले'र  
बण्यौ डलेवर हूणिया

पांणी झुर-झुर सूकग्या  
रेत-कंवळ रा नैण  
देख्या सूना डैर  
उग्या कोकरू हूणिया

बसकां सू जूंगा भरी  
जी निसखारा नाख  
कद लेवैला एक  
सांस नचीती हूणिया

मनवंतर तो नापिया  
पगा पांयडौ बांध  
कद नेवैली सांस  
एक विसाई हूणिया ।

हुयो गिस्टियो मानखी  
घस एडचां बस हाय  
बुण कीना ए डोळ  
पूछै दानां हूणिया

जकां न देखी कळपती  
चींती कायाकळ्प  
आखर रच्या अणूत  
आंछ्यां मीच्यां हूणिया

धूसा साथै वाजता  
गढ कोटां रा बोल  
गाजै माड अडाण  
नूवा राजा हूणिया

पैला राणी जामती  
अव जामे सदूक  
सागी राजा राज  
गाभा वदळ्या हूणिया

पार्च वरसै जेवडा  
लटकै बजै चुणाव  
लोकराज रं मै'ल  
लूठा पूगै हूणिया

बिना निसरणी रा वण्या  
लोकराज रा मै'ल  
देखं आख्या फाड़  
"सैचासै" सू हूणिया

हाका करता रा फटे  
पेट काळजा रोज  
बंदूका कानून  
तीवा देवै हूणिया

भायणआळी मीन्त्र में  
रोज बुणीजै थान  
मसां आदमी दीठ  
खफण लंगोटी हूणिया

गोठ योजना री करे  
सोनो रूपो रांध  
चाखण में सौ जीम  
शोळ पुरसदै हूणिया

वटिया आलू प्याज रा  
उड़ना तिरणा जाज  
देखे चकरीवम्म  
हवा खांवता हूणिया

खुरसी री चरभर रमै  
खेवट पंगत जोड  
लोकराज री नाव  
हवा भरोसे हूणिया

गूंगी खुरसी दावलै  
सुरता बोली दोठ  
विना डोळ रो देख  
मिनखाचारी हूणिया

कळ पुरजा हाका करे  
गोखें वयां हिसाव  
फड़कं जद-जद होठ  
जड़ किंवाड़ा हूणिया

सोटघा खुभतां ही जगै  
भाजै पहिया होय  
फिरं थारुंलो लाद  
थरकण नापै हूणिया

हाकम री हाले कलम  
दिन रातीदो होय  
लुळ-लुळ करे सलाम  
रात तावडो हूणिया

हाकम री आंख्या अजव  
वाचे घोर अंधार  
तावडिये-सौ सांच  
लगे फारसी हूणिया

छाट एक नाखे नही  
बैठे माड्या बूक  
इंदर रा ए डोल  
देखे रेतड हूणिया

सीयाळे में तापले  
रगड हाड सू हाड  
ऊनाळे उकळीज  
ठरे पसीणे हूणिया

गिट सीयाळे डांफरां  
लू ऊनाळां पी'र  
आया जुग-जुग जी'र  
जुग-जुग जीसी हूणिया

गाभण हुयले छांट सू  
वाश वाजती रेत  
जामे हरियल टांच  
मोठ वाजरी हूणिया

पीता गिटतीई रयौ  
खाया घणा धमीड  
की तौ सांस उपाड़  
रोळा करलै हूणिया

कवळा कवळा तोड़िया  
ठरिया लिया मठार  
लगा आगळी देख  
खण खण उकळचा हूणिया

आता बळती आग नै  
नीवी हाथा थाम  
फिर-फिर चारुमेर  
लाय लगासी हूणिया

लीला मडसी काळजै  
खुभसी वूठा बैण  
राख्या एक उडीक  
जीती जाजै हूणिया

म्हारी आख्या सू उडीक  
धारा हुनरी हाथ  
सासा लियै परोट  
बजै हरावळ हूणिया

तन थाकै वेगो घणौ  
तन रा ओछा लाभ  
चालै मन री चाल  
अण थकियां ही हूणिया

आभौ बांध अगोछियै  
नदियां आडी पाळ  
मांडै घर परवार  
सिरजणहारा हूणिया

आंध्या उमट उजाड़ दै  
गिटै ताड़का वाढ  
फिर-फिर निपजै जूण  
सिरजणहारा हूणिया

भाठां तीरा तोष सू  
मच्या घणा घमसाण  
जीग्या परलै वीच  
सिरजणहारा हूणिया

जकां पळीता वाळिया  
वानै वाळया काळ  
जीग्या काळ अकाळ  
सिरजणहारा हूणिया

जात-पात पूछे नही  
देवळ अर रसूल  
धरम ठगोरा बैठ  
राड़ रचावै हूणिया

साच न वामण-वाणियों  
ना नुरकन ना डेढ  
आखी एकल साच  
मिनखाचारौ हूणिया

यू करुणा री आंख सू  
दूजा रा दुख देख  
दीसैला साच्छात  
मिनखाचारी हूणिया

मदिर मस्जिद खोजता  
दीनी उमर गंवाय  
हियै धिराज साच  
खोल किवाडा हूणिया



\*\*\*रचियोडं सवदा रो अरथ वांचती  
चारुमेर मुणाती  
धर, मजलाधर कूचा चाल  
धर कूचा, धर मजला चाल\*\*\*

वोले सरणाटो



## बोलै सरणाटौ

ऊभा चारु खूंट  
धुंए रा डूगर  
बोलै सरणाटौ

डरतौ ऊगं डरघौ विसीजै  
इकटंगियं बंधियोड़ी  
एकल सूरजड़ी  
साखी ही गूगो  
जद कूण भणं  
लोहे रा कागद  
बोलै सरणाटौ

हाथ पखारं आख चुगं  
माणक-मोतीड़ा  
घोरा रं समदरियं  
परवा-मछवा  
उतर-उतर फेरं आंध्यांरा झाड़ू  
होड़ करं धीरज री सासां  
किया करं गोफणिया हाका  
बोलै सरणाटौ

पगा मडोजो  
डामर री दुनियावा पसरं  
मोड़-मोड़ं

आंगण औढी लाज सम्हाळें  
फाटचौडो थाकेलो

रोटी रौ चंदोमामो देखण नै  
पथरावें सोनल सुपना

राज मजूरी राजा करसा रा  
रोळा ही रोळा.....

कुण देखें

कूण सुणें

चूलें रें सामें वजतो चूडो

वंठा मिनख मठोठया खावें

वोलें सरणाटी

## थारै लावा जोड़ू हाथ

थारै लावा जोड़ू हाथ  
उनाळा थिडी-थिड़ी कर ऊभ  
पगलिया लेले रे

थारी मावड़ लू वळता खीरां सू  
सीची सगळी रंत जी  
थारी आंधी वनड़ रा रोळा सुण  
रुस्या रसिया पेत जी  
पाळसिये में जवरा पूजू  
ववारं हाथ कळसिया डोळदू  
म्हारी जतनां चोत्यो थाळ  
तोज रो घी सीज्योडो खीच  
आमनी लेले रे  
थारै लावा जोड़ू हाथ.....

म्हारी भातो लेजातो भावज रो  
रुडो रूप ममोलियो  
कोढी तावड़ियो भरं चूटिया  
घुरडें घिरं भतूळियो  
जे तू वोलं वारी थारै  
ओळा और मन्वाणा घोळ दू  
म्हारं डोवं रांधी राव  
राव में मोळी-मोळी छाछ  
सचड़का लेले रे

थारै लावा जोड़ू हाथ.....

म्हारो अणमण पिणघट खड़ो उडीकै  
सोनलदै पणिहार नै

म्हारो खूटी चढ़ियौड़ी ईढाणी  
जोवै है सिणगार नै

जे तू बोलै तो चीभाटे

रोटी पेड़ा ढाळ दू

म्हारै आगणियै रमझोळ

मटक्या माडचौड़ी अणमोल

उतारौ लेले रे

थारै लावा जोड़ू हाथ

उनाळा थिड़ी-थिड़ी कर ऊभ

पगलिया लेले रे

## हेलो पाड़ रे

वास-वास में हेलो पाड़  
धूड़ीमोड़ां हेलो पाड़  
मेघा राग उगार रे, घर-घर हेलो पाड़ रे  
इन्दर आज पखार  
इंदर आज पखार म्हारा वीरा  
फिर-फिर हेलो पाड़ रे

आभौ उमस कसीजैला  
वादळिया परसीजैला  
थू खुरपा कसी सभाळ ढांढां नै टिचकार  
भाज्यो खेतां चाल रे  
सिणिया वूझ उपाड़  
सिणिया वूझ ऊपाड़ म्हारा वीरा  
माठां नै मचकाव रे  
घर-घर हेलो पाड़ रे

छाटघां छिर मिर नाचं  
हिरण्या-मोर कुळाचं है  
थूं पग-पग माटी बीज लं गोफणिया साध  
मेडघां खड़ी रुरखाळ रे  
रोटी-राव मठार  
रोटी-राव मठारा म्हारा वीरा  
भरी डकारा गाज रे  
घर-घर हेलो पाड़ रे

सुण रमझोळां वाजं है  
 घूमर रमती लाजं है  
 धू कोछा ऊचा टाण उठजा ले हूँकार  
 ले लारे परवार रे  
 पाकी फसल्या झाड़  
 पाकी फसल्या झाड म्हारा वीरा  
 छाटचा भर-भर वाध रे  
 घर कोठा मे धान रे  
 मन रो अमी पकीजी है  
 हरिया-टाच मतीरां मे  
 वासां-वासा हेलो पाड  
 धूड़ीमोड़ा हेलो पाड  
 पंचायत री चौकी बँठ  
 मिसरी-सी गिर वाट रे  
 पाणी पी'र डकार रे  
 घर-घर हेलो पाड रे, फिर-फिर हेलो पाड रे



## आखर बोल : आखर वांच

आ लिछमणिया आखर बोल  
आ रे गामेड़ी ह्मपतिया  
कळमस रो पाटी रे माथे  
उजळा-उजळा आखर माड  
माडचोडा अखरा न वाच

आखर रो आख्या न दोस  
घर मे वारें  
मन में कती अंधारो

आखर लावा हाथ करे  
तिडकावे तीडे  
हिये जड़चोडी ताळो

आखर वाळ अधारो  
दप-दप दीपावे  
मन-आगण

ए ही वे आखर  
बाण्यां बोलोज्या  
ए ही आखर बंद मडीज्या  
ए हो पोथी लिखियोडा है  
वार्णा और जूण रो सार आखर  
आ लिछमणिया आखर बोल  
मधिया-किसना आखर बोल

आखर देवे  
कसी समे रो  
पूरबला परखीजै

आखर हाथ लियां सूं  
जूण-जूण रो  
आगोतर राचीजै

आखर है जंगळ रा मंगळ  
आखर मे मगळ रो राज  
आमे जुगां-जुगा रो सांच

थू धारै जुग रो सत वाच  
थू धारै जुग रो सत मांड

आ गोमेडी आखर जोड़  
आ सैराती आखर माड

## चाल रे चाल

चाल रे चाल  
गाव रा करसा चाल'' चाल  
संराती चाल  
धर मजलां, धर कूचा चाल  
धर कूचा, धर मजला चाल

ले आ पाटी  
ओ लं कागद  
वरती धाम, क  
ले लं कलम दवात

आखर मांड  
आखर मांड मांडती बोल  
बोल बोलती  
आखर जोड

आखर-आखर सवद रचाती  
रचियोडें सवदा रो अरथ वांचती  
चारुमेर सुणाती  
धर मजला, धर कूचां चाल  
धर कूचां, धर मजला चाल  
चाल रे चाल  
गाव रा करसा चाल'' चाल

संराती चाल ।

अरथां मे  
उगटं उजास  
ओ उजास  
आंख्यां । आज

आज आजती  
वाळ अंधारो  
कळमस वाळ

चारुमेर  
हिर्य आख्या में  
किया चानणी  
धर मजलां, धर कूचां चाल  
चाल रे चाल  
गाव रा करसा चाल...चाल  
संराती चाल

## करसा बोल : मजूरा बोल

करसा बोल : हाळी बोल !  
मजूरा बोल !

धरती धारी  
यू बीजं है  
यू सोचं है  
निपज्योडो धन  
धारो ही है  
आ वा सगळी थारी कमज्या  
यू धणियाप जताती बोल  
भल-भल  
यू धणियाप जताती बोल  
करसा बोल ! हाळी बोल !  
मजूरा बोल !

कृण आया हा  
किया लगाई  
मन रं आडी  
कृण वाधग्या  
दो हाधा नं  
धू वा साकळ खूटो खोल  
तड-तड साकळ घूंटो खोल  
करसा बोल ! हाळी बोल !  
मजूरा बोल !

सैराती नै  
 वरसां ताई  
 आख उडीकी  
 छां छीपण नी आयौ कोई  
 छोड उडीक  
 भुजा भरौसै वोल !  
 जीवट भुजा भरौसै वोल !  
 करसा वोल ! हाळी वोल !  
 मजूरा वोल !

पो फाटै सू  
 सूई सिझचा  
 खेती खडती  
 लूआ पीतो  
 तकली माथं  
 सूतो साध्या  
 खाट-खटुली  
 मूज माडती  
 माटी खूद  
 माटी खूद खूंदती वोल  
 चाक फेरती  
 घड़िया घड़ती घडती वोल !  
 सिस्टी रचती  
 परजापत-सौ वोल !  
 आडी-तिरछी  
 लीक माडती वोल  
 गैरी-फीकी गेरू रगतती वोल !  
 करसा वोल ! हाळी वोल !  
 मजूरा वोल !  
 लै चिणियोड़ी  
 लादो-भारो

मगरां छाटो  
 कदैक माथै  
 ले खारटियो  
 सीवां माथै सीव नापती  
 सैरां माड पगलिया बोल !  
 गांव रा थभ  
 थभै सरसी बोल !  
 करसा बोल ! हाळी बोल !  
 मजूरा बोल !

चूलै-आंगण  
 आख काळजै  
 खेतां घोरा  
 आध्या लूआ  
 घणी वाजली  
 कमज्या सुपना  
 जीव खायगी  
 की ती करडी  
 आंख देखती बोल !  
 ऊभ, नुंयं उणियारा सामं बोल  
 धा रै सिरसा  
 ए उणियारा  
 क' ऊभी आड्या  
 ओळखतो बोल !  
 उत्तर पड़ू तर देंती बोल !  
 करसा बोल ! हाळी बोल !  
 मजूरा बोल !

पूरव री किरता  
 भरम कतरगी  
 फाटीजी पगतां जुड़गी  
 मिलग्या मजूरा-करसा

पाड़ा री मोच निकाळी  
माटी रा पाणी बोल !  
पाटा रँ परियां  
थू हवोळा खाती बोल !  
करसा बोल ! हाळी बोल !  
मजूरा बोल !

थू वूझां री  
बूठ वाळती बोल !  
वळया काळजा  
ठार ठारती बोल !  
थू गावा रा  
पगल्या होती बोल !  
थू गांवा-सैरा नै  
पगल्या दैती बोल !  
गण सू मोटो  
गण-गण गुणती बोल !  
करसा बोल ! हाळी बोल !  
मजूरा बोल !



“आरुपां कलमा सू जका  
नीवां बजाई ठोकी  
काळ रा जडिया  
किवाड पडग्या”

दे हूंकारो हूणिया



## दे हूँकारो हूणिया

- हामजी तू कुण है भाया  
अठे क्या वैठो गोडी ढाळ  
अठे के काम थारी  
अठे तो...अठेई
- हूणियो कई लगाई अठे-अठे  
अठे नी कोई थान  
नी भाठो भेरुं धरपीज्यो  
जाणै कुण  
झाड़ पूछग्यो चौकलियो  
अठेई है रातवासो म्हारी
- हामजी आयो वड़ी कमतरियो  
करसी रातवासो  
थारै खातर नी लीप्यो-पीत्यो  
है कुण तूं  
थारी नाव वता तो...
- हूणियो नाव रो कै बट लेसी ?  
हूं तो हूणियो हूं
- हामजी ओ कै नाव होयो

एडो तो नांव  
म्हे नी सुणियो पैला  
देख्योई कोनी कठई  
नांव तो वता सही-साचो

हूणियो नूवोई आयो दीसं  
म्हने जाणै है आखी दुनिया,  
हा, जकी आंख्या रै आडा काच  
वै नी जाणै-पिछाणै  
पण हू हूणियो  
भल-भल हूणियो

हामजी सावळ वोलैनी भाया  
क्या आडी घालै  
अठै क्या गोडी ढाली  
ई चौकलियै  
नाटकिया आसी  
नाटक...डरामो...समझ्यो  
तमासो करसी  
हाऽऽऽ तो कई नाव थारी  
के जात थारी

हूणियो कान है'क वेजका  
वतायो नी हू हूणियो  
साव साची हूणियो  
अर जात म्हारी...

भजनिघा. "हिरदुन की, हिरदुभाई देखी,  
तुरकन की तुरकाई  
कहै कवीर सुनो भाई साधो  
कौन राह हम जाई  
अरे इन दोउन राह न पाई

कवीरा दोनूं राह न पाई

हरियो छांटो पड़ियो'क भळै सुणासी  
आदमी तो दीसेई कोयनी  
चाल्यो है, जात गोत पूछण, हांSSSS

हामजी पण भला मानस  
अठै अवार मोटचार आसी  
तू थारै ठोड़-ठिकाणें जा  
नाटक में  
धारी कई काम  
जात-गोत पूछी पिछाण सारु, ना वता  
जात तो हुवैईज है  
हमें अठै सू जा  
धारै ठोड़ ठिकाणें जा

हरियो वोलो रै...वोलो रै  
आयो बूझाकड़  
जात-गोत...गोत...जात  
वेजका खोल'र मुण—  
म्हारी नी जात कोई  
ना कोई गोत म्हारी  
ठोड़ म्हारी...!  
आ घूणी'क दूजी घूणी  
पूरव-पच्छम, दिखणादे-उत्तर  
चारुमेर रा संरा-गावा में  
म्हारी वासा  
इकटगिया मंला नीचें  
आ हाडा सू घसीजी  
मुआळा मूं चिण्योड़ै  
गढ़ा रै आसे-गामें

घास, बांस, टाट रा  
 किलविलता किल्ला म्हारा...  
 ओरा में, गुभारा में  
 विला में, सुरगा में  
 मसाण-अकूड़चा माथे  
 मिंदरा-मसीता  
 गंगा घाट रे पगोथ्यां माथे  
 जिलम्यो, जियौ क  
 जिलमै, जीवै हूणियो

मजुरां रा टोळ हइसा-हइसा  
 हइ-हइ हइसा हइ-हइ हइसा  
 हइसा-हइसा  
 दोनू हाथा भाठा कूटां  
 पगां घूमरा माटी खूदां  
 कुण खूदै म्हारा काधा नै  
 दे गिणती रा पइसा  
 हइसा-हइसा  
 हइ-हइ हइसा : हइ-हइ हइसा  
  
 करी मजुरी गटकं दाढी  
 चोटी जीमै ले'र सबडका  
 करा भूख सूं वाथेडा  
 म्हे खावा रोज भचीडा  
 हइसा-हइसा  
 हइ-हइ हइसा : हइ-हइ हइसा  
  
 म्हे आखी ऊमर रा चाकर  
 तावडिये ठरियोडा ठाकर  
 लाज्या मरचा जिनावर भाजे  
 म्हारा देख कळाप

पण म्हारें वाकां मे उकळें

हइसा-हइसा

हइ-हइ हइसा : हइ-हइ हइसा

हूणियो

ताका तोला कई करे

सामें देख सामें... ..

ओ खूट...यो खूट

धूडीमोड़ा...पिछोकड़ा देखतीई जा... ..

सड़का माथें, गळी कूचळा

चूले आगें, चिमन्या नीचें

भट्ट्यां सू हधाई करता

पेट रा तंबूरा

ने ठीकर्यां वजावें

‘मा’ भारत रम्मे आठू पोर

वा खांप म्हारी

वो फोज-फांटो म्हारी

इकसार जारा डोळ

सगळा हूणिया

हूं बारे मायलो हूणियो

हे म्हारी नाव हूणियो

हामजो

आपरीई दळियौ दळसो

की म्हारो सुणसो

अटं नाटकिया आसी अर तू

बंठो हे वीचोवीच

वें पेलो करसो

तू धोड़ो सो परिया वंठ

इतोई तो कयो तने

हूणियो

हा, भइ, कयो तो इतोई... ..

नाटक होसी...मोटघार आसी...

बोलाराई तो...!

कवीर साव तुलछीदास जी भी बोलारा हा  
 नजीर साव हा  
 ए कैरी खाप रा बोलारा है...  
 नागर, भारवा बोलैला कै मारू, डिंगल  
 वजासी की कडौ तवूरो

गेरिया सूकें अकरै तावड़ै  
 हाड़-मास रा बोल...फकीरा  
 रगड्यां सासो-सांस  
 जगं हगड़ता हूणिया...भइ

आखर तो खीरा जिसा  
 चुगतां लागं डाभ...फकीरा  
 आला लीला बाळ  
 जगरो तापं हूणिया...भइ

हूणियो म्हनै परयां बंठा'र  
 डरामो करसी ! देखू, म्हारै परवार  
 प्रगट्या कौडा नाटकिया  
 म्हनै टाळ करसी  
 किण भात रौ तमासी

हामजी कुतरक ना कर  
 तमासो तो तनै  
 समझाण सारू कयो  
 असल तो नाटक है 'आधो आदमी'  
 गजव राज रें लिख्योड़ी  
 नूवी ऊमर रा भणिया-गुणिया  
 चतर घेलारा  
 खलसी 'आधो आदमी'  
 तू तो देख्या विनाई करै टरं...टरं...



हूणियो हूं कहां टरं-टरं  
 थारा साथोड़ा करसी  
 आधे आदमी सू खेला  
 अर हू कहां टरं-टरं.....  
 कठं हुवं है आधो आदमी  
 म्हे तो कदै नी देख्यो  
 थं देख्यो है कई

हामजी म्हे तो की नी जाणू  
 नाटकिया-लिखारा री ओ काम  
 हूं तो ना लिखारी ना नाटकियो  
 वरसा सू बेल्ही, एकलो  
 आं म्हेने परोट्यो  
 तूं म्हेने आरौ बंदोवस्तियो समझले

हूणियो हूंऽहू भी तो अवं समझ्यो  
 अपनापं री मारघो  
 गूगी टाड़ है तू  
 लूरे सू चाले-जीवं  
 भलाई हुवंला थारा साथी संगी  
 पण भिनखाजूण रे पेटे में  
 मोट्यारां रै मूडै सू  
 आधे आदमी री बात  
 म्हेने तो घणी अवघी लागे.....  
 लं, देय, पंला तो तूई देख—  
 दीदा रा दीया वाळ  
 चुल्ले चौभाटे  
 साव सावत ऊभी  
 भिनखाजूण री तमासो हूं हूणियो  
 जात-गोत सगळ्हाई एकं सागं

नाव म्हारी हूणियो  
 म्हारी जात हूणियो.....म्हारी गोल हूणियो...  
 काना री ठेठी झाड़ सुण रे  
 स्थाणा चत्तर तो म्हन  
 देख अणदेखी कीनो  
 आफरो चौडचोडा लोगा  
 म्हारा घणाई लुवखा लाड करिया  
 अपूतो सीखा दीवी  
 नं भोजपत्तर लिखियो.....

पंडत "सर्वधर्मान् परित्यज्य  
 मामेकं शरणं ब्रज  
 अहं त्वा सर्वपापेभ्यो  
 मोक्षयिष्यामि मा शुचः"

हूणियो मोख नी मिळियी, मिळिया  
 भुजवळ रा घणी  
 म्हारी नसा उतारी  
 म्हारे काळजा नं छेक  
 परखी तरवारां री पांण  
 म्हारा वीरा.....  
 .....  
 धीरज रं साथे ऊमर खूटी  
 वारा माथा तरणीज्या  
 खाई मठोठी हाथां, उठग्या  
 वणा'र भीतां काळजां री  
 वां सगळा नं  
 पाधरा करतीई आयो  
 लस्कर राज री  
 घंटर सू घूदघा हाका-हाड  
 वजाया वंरीसाल नगरा

म्हारी खाल रा.....

गेरिया राख राज री देग में  
पका काळ रं भट्टु...फकीरा  
करियो भंगामेण  
मिनख जमारी हूणिया...भइ

हूयो गिस्टियो मानखी  
घस एड्या घस हाथ...फकीरा  
कुण कोना ए डोळ  
पूछं दाना हूणिया...भइ

जका न देखी कळपती  
चीती काया कळप...फकीरा  
आखर रच्या अणूत  
आख्या मीच्या हूणिया...भइ

हरियाणो ए हाल देख्या हूणियां रा  
हेमायता रं हूक हाली  
मरग्या घणार्द भैसाण खा'र  
पल्लो लगायो जकां  
वारी वळगी आगळ्या  
पण जुग री सभना रा खंभा  
जकां हला'र देख्या  
आख्या-कलमां मू जका  
नीवा वजाई-ठोकी  
काळ रा जडिया  
किचाड पडग्या  
वेडयां पणकीज टूटी  
संचन्नण हुयग्या  
म्हारा कळाप नै कळपती जूणा

अघोरी लोई सू माडणा पड़िया चितराम  
 'फांसी रा तखता'  
 'आदि विदरोही'  
 फूचक-फारटजी नै  
 चेखीजी-गोरकी नै  
 उतारणी पडी आह्यां सू  
 हूणिया री  
 होंणी री आखरमाळ  
 लिखारं पैमचन्द नै  
 जकाई वांची  
 किचरीजी जीभ वत्तीसी नीचै  
 घटनावा री घट्टी में  
 पिसीजती ई आयी है हूणियो  
 उडती फाक, किरकिर तो  
 देखी व्हेला  
 ओ बोई है हूणियो

हूणियो भाठा सू होती आखेटां  
 हू बी टैम जिलम्यी  
 वेदा मडीज्यी  
 करी टीकावा रिसिया  
 भात-भात राख्यी  
 म्हनं पुराणा  
 सकर-रामानुज आया  
 तिलकजी-गाधी आया  
 पाठा फोर  
 फोर पाठा वाच्यी म्हनं ई  
 वाचणी जाणंतो  
 थे भी वाच्यी व्हेला :  
 की समझ्यी व्हेला

मजूरां री टोळ हूं के वाचू जोगिया !  
भळकीई भळकी  
देख्यो आखरां री  
म्हारें सूं वोळा आंतरें  
पोथ्या रा डूगर जोगिया !

आखें दिन  
फावडो-करणी वांचू  
रात नै टाट ओढ्यां  
कुरळाता हाड वाचू जोगिया !

लारलें जमाने में  
अखाड़े रा लूठा कवि हा  
सरसुत वैवती मूढे सूं  
थें भी तो  
सुणी व्हेला जोगिया !

प्रघोरी अणभणियां घोड़े चढे भणियां मार्ग भीख  
थे तो मनी भणिया  
थे म्हारी सुणिया—  
मिदरा-मसीत रा धरमराज जी  
तखत विराज्या  
रामराज जी  
मोको पड़िया आं दोनां नै  
राख आंट में  
धनपतमलजी  
अजू तलक तो  
बळपड़ती लीकां पाड़ी है ।  
गुड़ री वार्ता रया कंवता  
पण गुर्गां  
देख्योई कोनी

ऐइ खा'र  
 हुया औतार-गुणीजन  
 रंग-वदरगा झीणा कागज  
 सांठचीडे मंजे री  
 गेडो दे'र कैवता रया, उड़ाओ  
 सुपनां रा किन्नाई किन्ना  
 लडो-लडाओ  
 पेच ढील में.....  
 किसान वणिया  
 खूब वणाया.....दूध सू  
 बाळचीडी हू.....  
 भल-भल कैवू  
 थे मती भणियां  
 थे म्हारी सुणिया

हृणियो आ..... आही तो ही वा कैवत  
 म्हारे कानां मे पडगी  
 डूजा दे दाव राखी  
 रगां रमाई  
 वो दिन'क आज दिन हे  
 देखलं.....ऊमर पलटी  
 जमानो पलटचो, सोचण-  
 परोटण री वंवार पलटचो  
 नी पलटी  
 लखणां री लाडी  
 म्हारी समझ नी पलटी  
 छधीली घाटी सू  
 आंचळिये फळसं री  
 फेरचां देवं आज ताई  
 .. इं सू आगं

हूं ई रयी रूं वीरा  
कौरवा री वाप  
गठजोड़ो कांकर घोलती  
म्हारी सती लुगाई

मेरिया

खण-खण करते तेल सू  
चलं गिस्त री रेन...फकीरा  
छोडा आखर ले'र  
वण्णी डलेवर हूणिया...भई

पाणी झुर-झुर मूकग्या  
रेत-कंवल रा र्णण...फकीरा  
देख्या सूना डेर  
उग्या कोकरू हूणिया... भई

लीला भडसी काळजै  
खुभसी वूठा वंण...फकीरा  
राख्या एक उडीक  
जी तो जाग्यं हूणिया...भइ

घटाऊ

ए थाण्यांवाळा भी जयरा हे  
लावं कठं मू चुग-चुग  
वंठं हाडो-हाड  
दिनूगे आ'र ऊभो  
देपलं सूई सिध्या पड़गी  
रासन कसी क हाथ लाग जावं  
ओ पीसणो तो रोज री  
तनं ई धूणी माधं  
चड़-चड़ते देख्यो, चकारघो  
तू तो फगग-फगग योत्तारो

बैराग्या जेड़ी  
 वाण्या बोलै  
 ग्यांन री मैमा अकूती  
 लावा-लावा धोक...  
 ओ कुण है...ओ...  
 मोगा मंडी सौ  
 तूई भगत वणाण लाग्यौ कई

**हृणियो** वाको बाल थारी  
 ओ तो नाटकिया रौ बेली  
 पूछं है  
 म्हारी जान-गोत-नांव  
 म्हनं परचा वंठा'र  
 तमासौ करमी चोभाटे  
 मिनख देखसी  
 देख वजासौ ताळया...हूSSS

**हामजी** एक वात तो वता हृणिया  
 तू थोळ्यी होनी  
 हृणिये बिना नी होया  
 ना होवे कंरा ई तमासा  
 म्हे रमता तो बांळी देखी  
 घूमर नोटक्या देखी  
 थोलते पडदे माथें  
 नित नूवो सनीमा देखू  
 पण म्हनं तां  
 कठई नी दीस्यो  
 तू वतावे जिको हृणिया

**हृणियो** तो तू कुण है पछं  
 लाट साव—



री जायीडी'क  
 रंयगी कच्ची रिगस  
 धारी अकल  
 कतरी वार कयो तनें  
 आखी दुनिया में  
 सगळ्या नू वेसी हूणिया

हामजी पण म्हं नी जाणू वानें  
 वे म्हने नी जाणें  
 काकर हुइजं अरू-भरू

हूणियो तू नी जाणें हूणिया ने  
 हूणिया तनें नी जाणें  
 आ तो सैणारी सैणार्डे'क  
 हूणिया रं  
 काच ती लागे कदै हाथ  
 नी देवलं कदै  
 पुदराई डोळ  
 रचताई जायें कोतक  
 चतर मुजाण  
 कदै नीं होंण देणी राजोग  
 सगळी हूणियां री  
 आपां हूणियां ने  
 ज्या-ज्यां नचावं  
 राज पइसी  
 उघाडा रात्र लीला उपाईं  
 की तो लियां फिरं  
 अतस री दोठ आळा,  
 कमतरिया आघरां रा  
 उठायो जियां

चिल्ली रौ पाब्लो  
 तुरकी रौ हिकमत  
 पेरिस रं सेजान रगिया  
 दोरप रा सगळा रग  
 आपां माथै

अधोरी सुण-सुण देखता  
 तपिया उकळियां  
 उफाणी खा'र साटग्या गलीचा  
 उतारग्या भोडळ  
 राज रं चेरॉ सू  
 तत्ता हुयौडा हूणिया  
 काधै उठायॉ फिरिया  
 पेमचंद-मज्राज-फंज  
 वाँ सू उतरियो भारो  
 हाथां-हथाळी ले'र चालै  
 नूवा लिखारा...ई खातर ई भटका मारा  
 मुवादेवी री मुवई  
 काली माई री हवड़ा रेल सू पूगां  
 ढीले खीला आळी दिल्ली  
 पछवा चालता-चालता  
 'आ रम्माँ वीकारणै'

नाटकिया-1 कितनी बार सुना-वांचा है  
 थोडा तो भारो है  
 नगा नायक...पर  
 और पात्र तो दब जाते है

नाटकिया-2 कुछ सवाद अधिक कड़वे है  
 निगुर नहीं पाएगा अभिनय

भले हमारे कलाकार  
पूरा दम मारे

नाटकिया-1 नाम भी तो रखा हूणिया  
हूणिया ..... 'अगली' लगता है  
निरा अटपटा  
नहीं जमेगा  
पब्लिक के होठों पर

नाटकिया-2 'कन्वे' भी होना है मुश्किल  
उलझ गई है 'थीम'  
खेल दिया तो.....  
अखबारों में रगड़ाई होगी

नाटकिया-1 दूसरा 'शो...शो'... फिर  
घाटा तो सहलें पर  
'पवलीसीटी' भी तो  
बहुत बड़ा माने रखती है

नाटकिया-2 तब इसे छोड़ दे  
लिखवा लाए नया थ्री गजब से  
चले अभी ही.....

हूणिया ऐइ हा कई  
धारा नाटकिया बेलो  
निरा मुलकिया लाग्या  
ले चटखारा  
वाल्या रा कारीगर उठग्या  
पल्ला झाड़'क  
कसतो लागे  
की आचो ताणो हूणियो

हामजी हा भइ, हा तो ऐई  
पण आ तो ऊभा-ऊभा वाता करी

गयाई परचा  
नाटक तो कियोई कौनी

हूणियो थारा ए वेली तो  
ग्यारसिया-वारसिया लाग्या  
ए के करसी  
आज तो हूई सुणासू तने  
वाजर रं खीच  
खोखा भुजिया  
पापड़ जेड़ीई ख्यात  
घोरां निवायो  
हरखूजी बखाणियो हूणियो  
ठेर, तू अठे हो बैठ  
हू ओ गयो'र  
ओ आयो  
अठेई रये भला...जाए न... हाSSS

हरखू जी ! ओ हरखूजी...!  
सूई सिझ्याई  
नीदचा सुड़काव दीसं  
हरखू जी ! ओ हरखूजी...! ओ...

लिखारोजी कुण है... कुण है भाई...

हूणियो ओ तो हूँ हूणियो हूँ, आडो खोलो...आडो...

लिखारोजी हूणियो ! कुण हूणियो...!  
कठे सू आयो है भाई  
निरो ग्यथालो लाग्यो  
इसी करे काम पड़ग्यो...

हूणियो वस...थेई नो पिछाण्यो म्हने

नीद में हा कई...  
 हूं हूणियो हूं...वोई...वोई ओ  
 जिकं नै कईई  
 होरी कैवी  
 गोवर...गोवर...हेला पाड़ो  
 पतो नी कतरा-कतरा  
 नाव राखी म्हारा  
 थे, थांरी खाप रा लिखारा  
 पण रैवूं हूं तो हूणियोई

लिखारोजी अरे तू है के  
 आ भई आ...बंठ  
 वोळा दिनां सू आयी  
 एड़ो कई काम पडग्यो

हूणियो विना सुवारथ  
 कुण कैने पूछै हरखूजी  
 थे बचाण्यो हो नी  
 एकर हूणियो.....  
 वूझा री बंडी  
 सिणियां रै मूते री  
 घोतियो पंरघा  
 काटां री पाळ ऊभी  
 माडघीड़ी वूरु  
 पीवनी जांती काळ  
 वोई हूणियो  
 दे दो म्हने थे आज  
 नैर रं चोरुलिये  
 सोग सग्या भोटघारा  
 नाटक री चोती है

म्हारी है रातवासो वठे  
 वे म्हनें परचा वंठासी  
 नी वणूला, दूध में पड़ियौड़ी भाखी  
 छोडू नी चौकलियो  
 हूँई हुजासू नाटक  
 वांच सू, सुणा सू, देखू  
 किसो पत्ताळ लासी फोड़  
 म्हारे परवार कोई नाटक  
 वस... म्हनें तो  
 छाणा चुगती एड्या घसती  
 थारें लिख्यौड़ी हूणियो.....—

लिखारोजी थारी है...ले ले तूई  
 धेई लिखायी, वाचे,  
 सुणाए, ओ लं...पण...  
 अबकं तो पाछो वेगो आए  
 सुणतां-सुणतां  
 कती ठडी-ताती आंख्यां सू  
 देखं तनें लोग  
 वानें देखतां तनें  
 कतरा वठीठा आवें  
 क हियो हवोळा खावें  
 मठोठी अमूजे हायां.....  
 बीती वतारणं आज्यं  
 आए भला...भूल ना जाए

हूणियो हरखूजी रो हूणियो  
 ओ हरखूजी रो हूणियो  
 भणे हूणियो सुण हूणियो  
 हरखूजी रो हूणियो

मुण रे हूणिया.....  
 म्हारो नांव हूणियो  
 हूं जुगाँ-जुगाँ सू हूणियो  
 रयो सइकाँ  
 पण नईं जनम सू हूणियो  
 कदं कवीले रै सिरदाराँ  
 राजा पंचा और ठाकराँ  
 सेठाँ गरुआ अर वंपारचाँ  
 हाकम मोर मुसद्दी  
 कदं सुपाई' थाणेदाराँ  
 सगळाँ हाथ रळा'र  
 वणायो भूणियो  
 मरजी आईं जियाँ फिरायो  
 जीत्यो घूम्यो  
 मर-भर घूम्यो हूणियो  
 हूं हूणियो.....  
 आँ दे'र मिनख रो नांव  
 वणाया राखमो दूणियो  
 भरताईं आया टीपाटीप'क  
 ऊधीजण नै हवेल्याँ गढ़ आगै  
 हूं म्हारै आंगणिये  
 पड़-घड़ खाली दूणियो  
 हूं हूणियो.....  
 बात धोतगी राजावाँ री  
 वानै तो .....वानै तो.....

मेरिया

पैला राणी जामती  
 अब जामै संदूक...फकीरा  
 राजा वेई राज  
 गाभा बदळ्या हूणिया...भइ

बिना निसरणी रा वण्या

लोकराज रा मैल...फकीरा  
देखे चकरीबंद

तीस वरस सूं हूणिया...भइ

पांचे वरसे जेवड़ा

लटकं वजे चुणाव...फकीरा  
लोकराज रे मैल

लूठा पूगं हूणिया... भइ

ग्रघोरी

मुणले हूणिया, सई वाण्या भी  
कळपीजती वोलें...हां तो हूं  
कठं वाचती हो...

वात वीतगी राजावां री

वानं तो रातीदो आवं

पण आज आपणा राजा

नेता वजे चुणीज्या

मण-मण वोटा रा

ताज धरचीडा मतरी

आरे लारे

राज करणिया सतरी

डूवता सू नेग मांगे

हवाजाज सू देखे

पाणी मे धरती डूवगी

जनता रे दुख सू मोटो दुप

कुण जाणे

कुण सोखो-दोखो

लारे मू ई तखत खीचले

कूण भरोसो करे

वोट री आधी



दिखणादे जाती पूरवले पलटें  
 सत घुरसी री  
 साथ जिता दिन  
 परवारा री पूठ वांधता  
 लोक लाज रें  
 राजावा रा डोळ देखती हूणियो  
 ओ हूणियो...हूं हूणियो...  
 राज वळ, वोट वळ  
 सवसूं मोटो नोट वळ  
 विणज जावती वाप देयग्यी  
 दखल राज में  
 कैयी हाथ पोली कर  
 राजा लारें सेठ चालें  
 सेठ लारें राजा  
 खुलता जावें इंपा-धिपा  
 कमग्या रा दरवाजा  
 इंदर दूझें...भूत कमावें...  
 दूझें इंदर...भूत...

गेरिया

कळ पुरजा हाका करे  
 गोघें वयां हिंसाव...फकीरा  
 फडकें जद-जद होठ  
 जडें किंवाडा हूणिया...भइ  
 हाका करतां रा फटें  
 पेट काळजा रोज...फकीरा  
 वन्दूकां कानून  
 तीया देवें हूणिया...भइ

हूणियो

सत फरमाइ वाप जी मराज  
 मथेर वन्नामि...

धेइ देह्या...म्हेइ देखू...आंरा तो  
 लाखा माथै लेख चालै  
 ठेका चालै व्याज चालै  
 मील्यां चालै मोटर चालै  
 मतरी सू हेत चालै  
 हाकम रं लगायौड़ौ गेर चालै  
 साथै दवा डागधर चालै  
 सरकार सरकता की देर लागै  
 चित्वाई चित्वा खावै  
 वया फोरीजण  
 छापा रं सुपनां सीजै  
 हड़तालं में  
 रोज री कमाई छीजै  
 पेट री तात्या घोल  
 धेरे मजूर तो  
 ठिकाणा बदळै  
 साथै कूकरिया भाजै  
 भूखां री मजुरी सू  
 हाडां सू पसीणे सू  
 कुबधी री ठगाई सू  
 चाणीके री चतराई सू  
 सिचीजती सेठाई री हेठाई सू  
 काळा-कोझा-चितकवरा  
 नकसा देखें हूणियो  
 हूं हूणियो...

**धधोरी** राजा रया न राणी  
 भरणोई पड़ियो पाणी  
 ठरग्या ठाकर ठकराई

दोरी मार वखत री  
 बाजार विकंलो  
 भळें कदै सेठाई  
 खुरसी सू उत्तरधा मंतरी  
 पापडिया पोवं  
 क्या घोय निचोवं  
 म्हारें सौ नागो हूणियो  
 ओ हूणियो... हूं हूणियो...

गेरिया गोठ योजना री करे  
 सोनो रुगो राध... फकीरा  
 चाखण में सो जीम  
 शोळ पुरसदै हूणिया... भइ  
  
 बटिया आलु प्याज सू  
 जगी जेट जहाज... फकीरा  
 देयें आढियां फाड़  
 हवा खावता हूणिया... भइ  
  
 भापणआली मील में  
 रोज बुणीजे यान... फकीरा  
 मसा आदमी दीठ  
 खफण लंगोटी हूणिया... भइ

हूणियो मिनखां रं पेटे में  
 सिरं लियोजे  
 आखें कीड़ी नगरें री धोक वापजी...  
 जूण नई भारो दोवां हां  
 माऊ नई भारां मारी...  
 धन-धन तो वा जामण'क

सठवाँ सूठ खाई  
 जेरा जापीडा पूतां  
 मरणे सू पैलं तक  
 छांटी हकमाई  
 हाकम री जमारो अक्खी  
 छोटै सू मोटो  
 मोटै सू ऊंचो हाकम  
 एकै-दुजे री पक्खा-पक्खी  
 मानखे रै कुनधे सू आज ताई  
 चाली, चाले रे भाया  
 हाकम हि कमत री हकमाई  
 चालेली दडाछट  
 आगोतर ताई...आगोतर...

गेरिया

हाकम री हाजे कलम  
 दिन रतीदी होय...फकीरा  
 लुळ-लुळ करे सलाम  
 रात तावडो हूणिया...भइ

हाकम री आंरयां अजव  
 वांचे घोर अधार \*\*फकीरा  
 तावडिये सो सांच  
 लगे फारसो हूणिया...भइ

हूणिया

वोलं साच वाई न्याल वापजी !  
 म्हारी तो काळी कामर  
 चढं नो दुजो रंग  
 पण पीळे माथे लाल  
 गुलाची नोचं काळो चढाता  
 निराई दीमं  
 लोगां री ग्यातर वणिमे राज मे

नेतावाँ रा कानूनाँ रा  
 दसूई रग दीसँ  
 किरडौ वदळै सात रग  
 लाखाँ-लाखाँ मे लूठै  
 हाकम रा हजार रग  
 खूजा में भरिया राखँ होकडा  
 धन विसणू जी धन विरमा जो  
 वम-वम मा' देव  
 राज रो डडो  
 तीनाँ रो मैमा अपरपार  
 एक मे तीन तीनूई एक  
 हाकम एकलो एकोहम''

पंडित ॐ पूर्णमदः पूर्णमिद,  
 पूर्णत्पूर्णमुदच्यते,  
 पूर्णस्य पूर्णमादाय-  
 पूर्णमेवावशिष्यते''

सगला सागँ ओम हाकम देवा प्रभु ओम हाकम देवा  
 तू भेरु किरपाल'क छण टूठै-हठै  
 प्रभू छण टूठै-हठै  
 हाजरिया न पळ मे पड़पोता देवा' ओम''

जका न समझै सेन्या नेग नई देव  
 धारो नेग नई देव  
 सड़काँ माथे वीरा तू लता नेवा ''ओम

जका न मानै कणो भीध नई चाल  
 धारी मोध नई चाल  
 भलाँ-भलाँ'रा चट काटाँ मे काडो कँवा'' ओम

खलक-फलक में वाजँ थरोई डंको  
प्रभू थारोई डको  
रासन रा सुरगाँ रा थे परमट देवा...ओम

नासवान जग जूण जमारो अजर अमर तूई  
प्रभू अजर अमर तूई  
मारणियो तारणियो तूई सुध लेवा...ओम...

लिखी हरखियै भणी हूणियै  
आ हाकम मैमा लोगाँ, आ हाकम मैमा  
वानै मिळिया मिळसी फोड़ाँ रा मेवा...ओम...

ओम हाकम देवा, जै हाकम देवा









## हरीश भादानी

जन्म—11 जून 1933

हिन्दी अरु राजस्थानी रा जाप्या-माप्या कवि । भाज  
साईं छोटी-मोटी पन्नी रं लगभग पोप्या प्रकाशित ।

1961 मू सेप्टर 73 ताई हिन्दी साहित्य री मासिक  
'बातावन' री सपादन ।

ठिकाणी : छवीती पाटी

बीकानेर-334001